

Na opinion di "Grupo di Betico"

Betico Croes ta e "Personahe di Siglo 20"

ORANJESTAD (AAN):
"Grupo di Betico" a realiza un
viaje pa Hulanda pa participa
den e "Dia di Aruba" na Hu-
landa dia 14 di maart ultimo

den e Voordorphallen na
Utrecht.

E meta principal tabata pa
duna e honor na un gran yiu
di tera esta Gilberto François
Croes (Betico) pa su con-
tribucion inmenso na e logro
di e tañ anhele Status Aparte
den e siglo 20 cu ta bay
pasando y como tal a nombr'e
tambe como e "Personahe di
Siglo 20".

Tambe e "Grupo di Betico"
a bay hiba su musica tipico pa
crea un biaha mas e amor,
nostalgia y importancia di
cada Arubiano cu ta studia y
traha na Hulanda pa nan re-
gresar nos dushi pais Aruba,
pasobra cada uno di nan cu
regresa ta significa un per-
sona menos di exterior den
nos mercado laboral.

Mescos cu "Grupo di
Betico" a haci acto di presen-
cia na Hulanda na e "Dia di
Aruba", e grupo a regresa dia
17 di maart pa asina participa
aki na Aruba tambe den nos
Dia Nacional di Himno y
Bandera, esta 18 di maart.

Un pabien na e digno
pueblo di Aruba cu a sa di
festeja e dia aki na un forma
ejemplar y tambe na tur cu di
un o otro forma a duna un
contribucion pa asina e
"Grupo di Betico" por a cubri
parti di su gastonan cu e viaje
pa Hulanda.